



Bájkkeavijssa NuorttaSálto

Bálldalahkkoj fylkkagoaden

Tæksta: Børge Strandskog
Járggálibme: Divte Media AS



GÁVVÁ/FOTO: JØRGEN MATHISEN, Avisa Nordland



Nordlánda fylkkasuohkan diehtomiellalattjat barggá sáme gatjálvisájt tjalmostahttet duon dán pládna-prosessaj baktu ja aj Nordlánda Fylkkaplána baktu. Divtasvuonakguoktán le ájnas oasse fylkkasuohkana sáme ássijj bargon, Heidi Birgitta Andersen ja Per-Inge Finnesen.

Heidi barggá sáme giella-konsulænntan, madi Per-Inge le sáme ássijj rádevadde. Sunnun li kontávra bálldalahkkoj fylkkagoaden – Æládus- ja guovlolasj ávddánahttemássudagán. Sunnu oajvve le fylkkaráde Arve Knutsen (Kr.F).

Fylkkasuohkana sáme ássijj bargov ádástuhttet lij gábdes prosessa háladusán ja aj politihkalattjat. Dát

ádástuhttem le buktám mærrádusáv fylkkadikken gánná Sáme nammadus le hiejteduvvam, ja sáme ássijj politihkalasj ávdásvásstádus le sirdeduvvam fylkkarádáj.

Fylkkasuohkan le guokta aktisasj barggosjiehtadusá Sámedikkijn sjehtadam, nubbe Trøndelága fylkaj ja Hedmárko fylkkasuohkanijn sáme ássijj bargo birra oarjjelsáme guovlojn, ja nubbe

aktisasj barggosjiehtadus mij guosská álles Nordlánda fylkkaj.

Divtasvuona suohkana oassálasstem sáme giella háldadimguovlluj le buktám, adjáj fylkkasuohkanij le biejadum gájbbádusá sámelága giellanjuolgadusáj hárráj. Fylkkasuohkan oadtju guovtegielakvuoda doarjjagav Sámedikkies.

- Barggo fylkkasuohkana gájbbádusáj sámelága giellanjuolgadusáj hárráj le jádon, miejnne Heidi. Fylkkasuohkana dokumenta ja plána ma sáme giellaj galggi gávnnut, sán álu julevsáme giellaj járggál.

Tjoahkkájgæsos fylkkaplánas le læhkám ájnas dahkamus, sæmme le válggatjállos majt fylkkasuohkan le buvtadam. Dát julevsáme giellaj gávnnu ja le duola dagu sáddidum divna gádjida Divtasvuonan. Duodden aj oassálasstá dábalasj ássjiegietadallamin.

- Mán giehtadaláv áhtsámusájt giellastipendajda ja dárjajt giellaarvusmahttem dájmajda, subtsas sán.

Per-Inge Finnesenin le viek gábdes barggobællo.

- Muv oajvvedahkamus le jádedit ja giehtadallat gájkka mij sáme ássijj guosská fylkkasuohkanin. Danna le aj oatsodibme aktisasj barggosjiehtadusás Sámedikkijn ja sáme instiusjávna ja organisasjávna. Muja le aj álu guládallam guoskavasj departementaj

ássjes ássjáj. Fylkkasuohkanin ájggop mijá politihkka galggá nasjonálasj politihkav tjuovvot, javllá Per-Inge. Rádevadde le aj tjelgas mij le "vuodo" juohkka dájman.

- Fylkkasuohkan galggá dilev láhtjet vaj sáme oassálasste bessu bargov buoremus láhkáj tjadadit. Dát guosská sihke instiusjávna, organisasjávna ja ájnegis sábmáj. Heidi Andersen ja Per-Inge Finnesen goappátja soapptsoba bargon fylkkagoaden ja viessádin fylkka oajvvestádan Bádádjon. Valla lin álu "sijdan" Divtasvuonan, viek álu...



GRATIS
trekjelke!

- ved kjøp av bålpanne!

www.espegard.no
3570 Ål Tlf 3208 6330